



*Toki xume askotan jende xume askok
gauza xume asko eginez, mundua alda dezake.*

URTEKO TXOSTENA 2019

AURKIBIDEA

Orrialdeak

1- Patronatu Junta: urteko bilerak	3
2- Delegatuen bilerak	3
3- Urteko kanpaina: Garapen eta Sentsibilizazio kanpaina	4
4- Garapen hezkuntzako beste jarduerak	5
5- Sustatu triptikoa	19
6- Tandanacui Taldeak	19
7- Udako boluntariotza: "Jende Xumea" Taldeak	19
8- Udako boluntariotza: Helduak	20
9- Txosten ekonomikoa	22
10- Garapenerako Lankidetzaren Proiektuak	23
11- Erantzukizun sozio-korporatiboa	27
12- Eragin politikoa	27
13- Beste GGKEekiko harremanak	28

1. PATRONATU JUNTA, URTEKO BILERAK

Patronatu Junta berritua pertsona hauek osatzen dute:

- Jose Roman Perez, Presidente
- Jose Angel Mugica, Presidenteorde
- Fernando Casas, Diruzain
- Jose Manuel Agirrezabalaga, Batzordekide
- Jose Mari Calvo, Batzordekide
- Itziar Muniozguren, Batzordekide
- Ana Maria Ruiz, Batzordekide

Eta idazkari Idoia Azpilicueta.

Urtean zehar Juntak hiru bilera egin zituen Proegaren Egoitzan. Landutako gai garrantzitsuenak honako hauek izan ziren:

- Martxoaren 12ko bileran: 2018ko diru-kontuen baiespena, Urteko jardueren plana: Sentsibilizazio-kanpaina, Udako boluntariotza, 2018ko Garapen Proiektuen aurreikuspena.
- Ekainaren 12ko bileran: Patronatu Juntako kideen eta karguen berritzea (gorago jarri dena), 2018-2019 ikasturtearen ebaluazioaren aurkezpena, Memoria 2018 eta Sustatu 24ren aurkezpena, 2019 udako boluntariotzari buruzko informazioa, 2018-2019 ikasturteko egutegia.
- Abenduaren 19ko bileran: 2020ko aurrekontuaren baiespena, 2019ko Garapen Proiektuen kudeaketa, 2020 urteko jarduera-plana.

2. PROEGAKO DELAGATUEN BILERAK

Urtean hiru aldiz bildu ziren Delegatuak Proegaren Egoitzan. Gipuzkoakoak bertaratuz eta Bizkaikoek bideokonferentziaz parte hartuz. Proegako Kudeaketa taldetik Jose Manuel Agirrezabalaga eta Idoia Azpilicueta edo Arantzazu Zubeldia egon ziren. Hara jorratutako gai garrantzitsuenak:

- Urtarrilaren 28ko bileran: Ordezkaritzetan ikasturteko 2. eta 3. hiruilekoetan egingo diren jarduera aipagarrienak partekatu ziren, Kudeaketa taldekoek Poyde-Proegaren Juntaren azken bilerako hainbat informazio eman zuten: 2019ko aurrekontuak, 2018ko garapen eta sentsibilizazio proiektuak eta 2019ko udako boluntariotza-proiektuak.
- Maiatzaren 6ko bileran: Ordezkaritzetako 3. hiruileko aurreikuspenak zehaztu ziren: kanpainak, ekintzak..., Kudeaketa taldearen informazioak: Bidezko Merkataritza, Memoria 2018 eta Sustatu 24 (2018).
- Urriaren 7ko bileran: Bidezko Merkataritzaren inguruan finkatu ziren zenbait puntu, 2019-2020 ikasturteko planari buruz Kudeaketa taldeak berari dagokiona azaldu zuen eta, halaber, aurtengo sentsibilizazio-kanpainari dagokiona. Eta Patronatu Junta berrituaren berri eman zen.

3. URTEKO KANPAINA: GARAPEN ETA SENTSIBILIZAZIO KANPAINA: “Orain eta beti aldaketaren protagonistak”.

Urtero, Poyde-Proegak sentsibilizazio kanpaina bat sustatzen du. Kanpainako orientabidea eta materialak “Salletar GGKEen koordinakundearen” (Poyde, Poyde-Proega, Proide, Edificando eta Proideba) eta Sed, Proclade-Yanapay eta Proclade Fundazio GGKEen arteko Prestaketa Taldeak eginak dira. Kanpaina hau tokian tokiko Ordezkaritzetan egiten da, Euskadiko Salletar ikastetxe eta zentroetan txertaturik dauden Ordezkaritzetan, alegia.

Hara **gure giza multzoari**, ikastetxe eta hezkuntza erakundeetako ikasle eta erabiltzaileen kopuruari, buruzko datuak:

IKASTETXEAK	UDALERRIAK	IKASLE KOPURUAK
La Salle Berrozpe	Andoain	1288
La Salle San Jose	Beasain	682
La Salle	Bilbo	1391
La Salle	Donostia	939
La Salle San Luis	Donostia	362
La Salle Isasi	Eibar	510
Nuestra Señora de Azitain	Eibar	335
Irungo La Salle	Irun	1264
Begoñako Andra Mari	Sestao	732
La Salle San Jose	Zarautz	682
La Salle Legazpi	Zumarraga	602
IKASLEAK GUZTIRA		8787
GIZARTE-HEKUNTZAZKO OBRAK	UDALERRIAK	ERABILTZAILEAK
Elkarbanatuz	Bilbo	1727
Artizar	Sestao	72
EGOITZAK		
La Salle Egoitza Unibertsitarioa	Donostia	90
ERABILTZAILEAK GUZTIRA		1889
GUZTIRA		10676

La Salle zentroen kokapena:



Kanpainan, ikasleekin, irakasleekin eta gurasoekin erabiltzen ditugu Prestaketa Talde horrek egindako material didaktikoak, Proegak euskarara itzuli eta egokitutakoak.

Ikasturteko kanpainaren goiburu motibagarria hau izan zen: *“Orain eta beti aldaketaren protagonistak. Genero-berdintasunaren eta nesken eta emakumeen ahalduaren alde”*.

Emakumeek eta neskek munduko biztanleriaren erdia ordezkatzeko dute, eta, beraz, biztanleriaren ahalmenaren erdia. Gainera, gizarteko lehen mailan daude, eta bizi diren komunitateak aldatzeko gaitasun handienak biltzen dituzte bakarka nahiz taldean.

Hala ere, generoen arteko desorekak bere horretan eusten dio mundu osoan, eta gizartearen aurrerapena geldiarazten du.

Horregatik, 2030. urtearen aurretik Garapen Iraunkorrerako Helburuak lortu nahi baditugu, funtsezkoa da genero-arrakala guztiak ixtea eta eskubide berak bermatzea neskeentzat eta emakumeentzat hezkuntza, osasuna eta kalitatezko enplegua eskuratzeko orduan.

Horrela, ekonomia sendagoak eta gizarte bidezkoagoak eraiki ahal izango ditugu, eta aukera-berdintasuna errealitate hurbilagoa izango da pertsona guztientzat.

Orain eta beti, neskek eta emakumeak direlako aldaketaren protagonistak.



4. GARAPEN HEZKUNTZARAKO BESTE JARDUERAK

4.1 San Asensio. Jende Xumea taldeen topaketa (2019ko urtarrilak 3)

Urtarrilaren 3an elkartu ziren San Asensio Jende Xumea lau taldeak. Bik 2018ko udan parte hartu zuten nazioarteko gazte-boluntariora esperientzia. Beste bik 2019ko udan parte hartu izan dute parte. 2014tik hona 10 talde izan dira Proegari esker, "jende xume asko..." goiburuak dioena esperimentatzeko aukera izan dutenak. Argentina, Bolivia eta Dominikar Errepublika izan dira leku xume horiek, zeinetan boluntario gazteek sumatu duten solidaritatea gugandik harantzago doala. Topaketan jabetu gara gurekin bizi izan diren zein pertsonen animatu gaituzten Jende Xumea proiektuarekin konprometitzen. Guretzat konpromiso hau dei bat izan da, prozesu bat, bide bat, misio bat. Bokazio-begirada, besteeikiko solidaritateetik abiatuz.

Aukera ederra izan dugu elkar ezagutzeko, esperientziak partekatzeko, bidegabekeriaren ondorioak sufritzen dituzten hainbat pertsonen egoerak geureganatzeko. Argi-izpi, poz-bide eta esperantzaren lekuko izan nahi izan dugu eta nahi dugu izan La Sallek Boliviako Santa Cruz de la Sierra-n eta Argentinako Cordoba hiriko Malvinas Argentinas auzoan.

4.2 Beasain. Justizia eta Bakea Astea. (2019ko urtarrilak 28 – otsailak 1)

Beste erakundeekin harremanetan jarriz ospatu zuten astea:

Arangoiti zaharren egoitzarekin, Gautena, ONCE, Elbarrituen Kirol Elkartea (Kemen), Ordiziako GUREAK, Atzegi: Txolarte programa. Caritaseko nekazaritza tailerretara bisitatu zuten (Lazkaoko Beneditarrek), ATERPE



Eta ekintza sinboliko bat egin zuten. Ikus esteka honetan

https://drive.google.com/open?id=17vZYFYIDQYIA6yKe_HKN3EV35iQIPJF5

4.3 La Salle Bilbo. Justizia eta Bakea (2019ko urtarrila)

Urtero bezala, Bakearen kanpaina urtarrilaren azken asteetan ospatu genuen eta ikasgeletan ekintza bereziak antolatu ziren. Bakearen egunean, urtarrilaren 30ean, Haur eta Lehen Hezkuntzakoak kiroldegian bildu ginen (familiak ere gonbidatuz) Bakearen aldeko otoitza egiteko.



Horrez gain, ikasturtean zehar ikasmailaka justiziaren aldeko esperientzia bat antolatu izan da:

- Haur Hezkuntzako 3. mailan jasangarritasuna landu dute eguneko irteera batean.
- HH 2. mailakoak Elkarbanatuz ezagutzeroa joan ziren.
- Lehen Hezkuntzako 1.go zikloan ITB barruan dauden ekintzak landu ziren (immigrazioa, bidezko merkataritza proiektuen barruan).
- 4. mailan: Postal salmenta eta Afrikako umeei idaztea. Gainera, boluntario batek errealitate honetara hurbiltzen lagundu zien.
- 5. mailan: Janari bilketa Elikagaien Barkurako.
- 6. mailan: Deustuko Unibertsitateko Inspira proiektua landu zuten genero desberdintasunak ikasketetan saihesteko. Sallechef izeneko proiektu bat ere antolatu zuten, amaierako produktutzat pintxo-salmenta zuena, Proegarentzako dirua lortzeko.

- DBH 2an: Alboan Elkartearekin Mugetatik Haratago proiektuan parte hartu genuen. Bi egun pasa genituen Loiolako Santutegian etorkinen egoeraz ikasten eta haiekin partekatuz.
- DBH 4an: Elkarbanatuz-ek hiru saio prestatu zituen etorkinei esperientziaz ikasleei hitz egiteko. Elkarbanatuz-eko zenbait langilek haien hezitzaile-esperientzia komentatu zuten eta beste zenbait erabiltzaileek haiena ere komentatu zieten.
- Batxilergoan, zerbitzu solidario ezberdinetan ibili dira hainbat ikasle, bai ikastetxean, bai kanpoko ekintzetan.

Ondoren, konparazio baterako, zenbait Ordezkaritza – Ikastetxeetan egindako Proega Kanpainak adierazten dira:

4.4 Begoñako Andra Mari Sestao. Proega kanpaina (urtarrilak 28 – otsailak 1)

Proyde-Proega kanpaina bakearen astearekin batera egin da, urtarrilaren 28tik otsailaren 1era.

Kanpainan Proegatik proposatutako jarduerak eta gogoetak garatu dira, Garapen Jasangarriaren 1.go eta 2. helburuekin zerikusia zutenak.

DBH 4.go ikasmailakoek, Proegaren kanpainaren barruan, material berriak sortu dituzte, hara nola abestiak, ipuinak..., eta ikasleria guztiaren esku jarri dituzte eta bakearen eta biolentzia ezaren eguneko ospakizunaren programaren parte izan dira.



4.5 Zarautz. Bidezko Sukaldaritza tailerra (Otsailak 26 eta martxoak 1)

Sukaldaritza Tailer bat antolatu genuen Lakari kooperatiban, udalak sentsibilizaziorako eskaintako diru-laguntza bati esker. Bertan herritar ezberdinek parte hartu zuten bi arratsaldetan. Sukaldaritza tailer honetan Bidezko Merkataritzako eta bertako produktuak erabiltzen egin ziren errezeta guztiak. Bi taldeak 15 lagunez osatuak izan ziren eta biak bete ziren. Parte hartutako pertsonak oso pozik egon ziren eta egindako errezeta gehienak berriak ziren guztientzat.



4.6 San Luis Donostia. Proegaren kanpaina (2019ko martxoak 4-8)

Ikasleekin goizeko gogoeta aprobetxatuz, eta erlijio + tutoretzan, sentsibilizazio saioak egin ditugu urteko proiektua aurkeztuz.

Hamaiketako eta merienda solidarioa izan genuen egun batean. Jende askok hartu zuen parte.

Azoka solidarioa bi arratsaldetan jarri genuen eskolako patioan.
Urteko proiektua azalduz familiei gutuna helarazi genien sobrearekin batera.



4.7 La Salle Donostia. Proega astea (2019ko martxoa)

Solidaritzaren astea ere deituriko aste honen ardatz, Proegak laguntzen duen proiektu baten aldeko diru-bilketa izan da. 2019an Hego Sudanen kokaturiko eskola baten aldekoa. Rumberk-eko eskolaren aldekoa.

Egin diren sentsibilizazio ekintzen artean ditugu: goizeko gogoetak ikasgelan; bizkotxo solidarioa (ikasle gozokiak jolas garaian bizkotxoak saltzen dituzte egunero, txandaka); hitzaldiak (Periko Alkain lankideak Afrikako beharenganako hurbilketa egin zigun –Proegarekin Boli Kostako proiektuetan parte hartu izan du behin baino gehiagotan–); SEIN 4ko ikasleen postu solidarioa (familien etxeetatik bitxiak eta jostailuak ekartzea proposatu eta prezio baxuan saldu ziren); bazkari solidarioa (larunbatean, familien parte hartze zabalararekin eta eskolako aisialdiaren animazioarekin). Orotara bildutako diruak 17.000 €-ak gainditu ditu.





4.8 Eibar. Proega Kanpaina. (2019ko martxoak 11-23)

Aurtengo Proega kanpaina martxoaren 11n hasi zen eta 23an bukatu, Proega Egunaren ospakizunarekin.

Gutun bat bidali zen familia guztietara (Sallenet-en ere zintzilikatu zena), non aurtengo proiektuaren berri ematen zen eta ikastetxean eta gure herriko Unzaga plazan egitekoak ziren jardueren informazioa ere. Eta kartazal bana barruan beren diru-laguntza eskaintzeko aukera emanez.

Kartazaletako diruaren truke, ikasleek pegatina bana jaso zuten aurtengo logoarekin. Ikasgelan kanpainako muralean itsatsiko zutena ondoren. Horrela, kanpainako helburuak baitaratzeko giro aproposa sortu zen ikastetxean.

Martxoaren 13an, asteazkena, Jolas Solidarioen eguna izan genuen. Jolas giroko jardueren bitartez Hirugarren Munduari buruzko gaiak landu ziren: kanpoko zorra, errefuxiatuak, etorkinak, kontsumo arduratsua, bidezko merkataritza.

Kanpaina herriko Unzaga plazan bukatu genuen, Proega Eguna ospatuz: panelak jarri genituen, gure GGKEri buruzko berri-papera banatu, urteko kanpainaren helburuekin eta Eibarko gure udalak finantzatu dituen proiektuak azalduz. Halaber, merkatu solidario txiki bat jarri zen, gure familien eskuzabalari esker.

Jende Xumea taldeak stand bat jarri zuen bidezko merkataritzaren produktuekin. Aukera eman zien tokiko produktuen aldeko proiektu honen filosofia adierazteko.

Ingurugiro honetan ospatu genuen Pobrezia eraztearen Nazioarteko Eguna, Pobrezia Zero.



Tandanacui taldearen lankidetzarekin, Proegak zenbait jarduerara antolatu zituen DBHko Lehenengo Zikloko ikasleei egoera ezberdinak azaltzeko: errefuxiatuak – etorkinak Mediterraneo itsasoan, aterperik gabekoen problematika, klima-aldaketa eta genero indarkeria. Jardunaldia bukatzeko ikasle guztien artean Pobrezia Zeroren sinboloa osatu genuen.

Lankidetza Eibarko beste erakundeekin:

Martxoan urrian bezala, Proegak Elikagaien Bankuarekin kolaboratzen du premia handian aurkitzen diren gure herriko familientzako elikagai-sortak prestatzen eta banatzen. Solidaritate-esperientzia esanguratsua izaten da gure gazteentzat, premia handian bizi diren pertsonengana hurbiltzen baititu.

Elikagaien Bankuari gure laguntza ere eskaintzen diogu azaroan egiten den urteko bilketa nagusian. Kanpaina honetan Eibarko Mercadonon laguntzea dagokigu guri.

Eta Gurutze Gorriari ere gure lankidetza eskaintzen diogu Gabonetako kanpainan, Eibar eta Ermuako beharrean dauden neska-mutilei jostailu berriak banatzen lagunduz.

Azken urteotan ekimen ezberdinak izan ditugu Gurutze Gorriaren Gabonetako kanpainarako dirua biltzeko asmotan. Besteak beste: tortila-pintxoan salmenta, ogitartekoak, txokolate eta bizkotxo solidarioak.



4.9 Zarautz. Lankidetzarako Hezkuntza ekintzak (2019ko martxoa)

2019an, udaleko sentsibilizazio diru-laguntzari esker, Bidezko Merkaritza eta Kontsumo Arduratsuari buruzko tailerrak eskaini zaizkie LH 5etik gorako ikasleei eta Guraso Eskolako saio ireki bat ere egin genuen.



Ikasturteko lehen hiruhilekoan serigrafia tailerra burutu genuen, udaleko sentsibilizazio diru-laguntzari esker, eta Bidezko Merkataritzarako telazko poltsetan aurrez eginiko irudi bat ipini genuen. Tailerrak bi atal izan zituen, lehenik eta behin helduekin eta Izartxoko begiraleekin eta ondoren, DBH 1 eta 2ko Izarkui taldeko gazteekin.



4.10 Eibar. Lankidetzarako Hezkuntza ekintzak (2019ko martxoa)

Eibarko udaletxearen 2018ko diru-laguntzari esker, 2019ko martxoan eta apirilean honako jarduerak egin ahal izan ziren:

- Bidezko Merkataritzako tailerrak Eibarko La Salle ikastetxeko ikasleekin, DBH 2 eta Batx 2 arteko ikasleekin, hain zuzen. Tailer hauetan landu ziren bereziki Bidezko Merkataritzaren oinarrian dauden 10 printzipioak, eta azpimarratu ziren batez ere kirol-materialen lanketan ematen diren lan-baldintzak, bereziki baloien lanketan.





- Bidezko Merkataritzako 50 baloi erosi genizkion BalaSport enpresa eskoziarrari, ikasgeletan emandako tailerrekin sintonia osoan. Eskolako jardueretan erabili izab dira baloi hauek
- Bestaldetik, Bidezko Merkataritzako 500 telazko poltsa erosi ziren, beraietan Bidezko Merkataritzarekin zerikusia duen diseinu bat inprima zedin. Horretarako, Batx 2ko Diseinu klasetan diseinu hori landu zen, horretarako txapelketa bat eginez.
- Gainera, diseinu hau telazko poltsetan serigrafiatua izan ahal zedin, serigrafiako tailer bat eman zuen Kromosoma Tailerra taldeak, bertan parte hartuz LHko 5. eta 6. mailetakoko ikasleek eta La Salle Isasiko Astialdi taldeak. Era honetan, Batx 2ko ikasleek diseinatu zuten marrazkia, telazko 500 poltsetan izan zen inprimatua.



- Azkenik, Bidezko Merkataritza eta Kontsumo arduratsuko 4 tailer egin ziren Jubiletxe Untzagako bazkideekin. Tailer hauek, Yoga, Taichi, Esperientziaren Eskola eta Zuzendaritza Juntako bazkideekin egin ziren. Bidezko Merkataritzako kontzeptu orokorreari buruz gogoeta egiteaz aparte, Bidezko Merkataritzaren 10 printzipioetan oinarrituz, eguneroko erosketa egiteko jarraibide praktikoak ere landu ziren, Bidezko Merkataritzaren eta Kontsumo Arduratsuen irizpideetan oinarrituz.

4.11 Donostia. Jardunaldiak: Aldatu zure bizitza mundua aldatzeko (2019ko martxoa)

Martxoko lau astetan zehar Proegak parte hartu du, REDESeKo partaide gisa, beste zenbait GGKEekin (Caritas, Etorkinen pastoral, Confer, Donostiako Elizbarrutia, Groseko Pastoral barrutia, Justizia eta Bakea) jardunaldi batzuen antolaketan "Lotu zaitez Justiziaren alde" kanpainaren baitan, izenburu honen pean: Aldatu zure bizitza mundua aldatzeko.

Horretarako ekitaldi ezberdinak antolatu ziren gogoeta egiteko kontsumitzeko gure ohiturei buruz eta Garapen Jasangarrirako Helburuei buruz, beti kontuan izanik Laudato Si entziklikaren ikuspegia.

CAMBIA TU VIDA PARA CAMBIAR EL MUNDO
ALDATU ZURE BIZITZA MUNDUA ALDATZEKO

LOTU ZAITEZ
JUSTIZIAREN ALDE



OTOITZ ETA GOGOETA JARDUNALDIAK JORNADAS DE ORACIÓN Y REFLEXIÓN	
Martxoak 7: LAUDATO SI Martxo 7tik 8ra Urtx 7tik 8ra, 10:00etatik 12:00etara 8. Espazio Perpetuo 10:00etan	7 de marzo: LAUDATO SI Martxo 7tik 8ra Urtx 7tik 8ra, 10:00etatik 12:00etara 8. Espazio Perpetuo 10:00etan
Martxoak 14: ARAZOEN DINGIRAKO LERKUTZA Jostea Balezka kaputina 9. Espazio Perpetuo 19:30etan	14 de marzo: TESTIMONIO DESDE LA AMAZONIA Jostea Balezka kaputina 9. Espazio Perpetuo 19:30etan
Martxoak 21: ZUZENDAREN ZIRKULAK Jostea Balezka kaputina 9. Espazio Perpetuo 19:30etan	21 de marzo: CÍRCULO DE SILENCIO Jostea Balezka kaputina 9. Espazio Perpetuo 19:30etan
Martxoak 30: OTZETZALDIA SAHONOMETAREN ALDEA 9. Espazio Perpetuo 19:30etan	30 de marzo: VUELTA CONTRA LA TRATA Jostea Balezka kaputina 9. Espazio Perpetuo 19:30etan

4.12 Andoain. Boluntarioen bidalketa (2019ko ekainak 7)

Ekainaren 7 ostiral arratsaldean ospatu zen Gipuzkoako boluntarioen bidalketa Andoaingo La Salle-Berrozpe ikastetxean. Lau herrialde pobretuetako bost proiektuetara joateko prestatu dira: Boliviako Santa Cruz de la Sierra-ko proiektura, Andoaingo Jende Xumea taldeko 10 gazte eta 2 laguntzaile. Boliviako Trinidad-eko proiektura, Lezoko 2 neska boluntario (beraiekin beste bi joango dira, Sestao eta Zaragozakoak). Boli Kostako Abidjan-eko Akwaba proiektura, 3 boluntario: Donostiako 1 eta Beasaingo 2). Kenyako Karemene-ko proiektura, 4 boluntario: Donostia, Erreterria, Zarautz eta Zumarragakoak. Eta Libanoko Fratelli proiektura Donostiako 1.

Topaketari hasiera Anai Jose Manuel Agirrezabalagak eman zion, Proegako boluntariotzaren arduradunak, ongi etorria emanez eta bidalketa-topaketaren zentzua adieraziz.

Ondoren, Anai Juan Luis Urmenetak girotu zituen hurrengo urratsak:

- Bittoriano Gandiagaren “Bideak bizi nabe” eta Antonio Machadoren “Caminante, son tus huellas el camino y nada más” poemen irakurketa.
- Ebanjelioko testu bat ere irakurri zen: “Utzi haurrei niregana etortzen, ez galarazi, horrelakoek baitute Jainkoa errege” eta “haurrei eskuak ezarri ondoren, joan egin zen handik” (Mt 19, 13-15).

Jarraian, Boluntario-talde bakoitzak joango diren tokien berri eman zuen eta konpromiso honetara bultzarazi dizkien arrazoiak.

Bideo motibagarri bat ikusi genuen ondoren Andy y Lucas-en “Las manos y el mundo” abestia entzuten genuen bitartean, entzun berri genituen Jesusen hitz haiekin lotura zuena: “haien gain eskuak ezarri”...

Azkenik, bidalketa-keinu moduan, gonbidatuak zutik jarririk, eta boluntarioengana eskuak luzaturik geure “bedeinkapena” adierazi genien (“benedicere” = ongi-esan).

Topaketarekin jarraitu genuen bidezko merkataritzako produktu batzuk dastatuz eta gure artean ohizkoak ditugunak ere.



4.13 La Salle Zarautz. Tandanacui eta Jende Xumea taldeak (2018-2019)

La Salle Zarautzen **Tandanacui taldea** martxan dugu. Aurten 12 ikasle inguruk parte hartzen du taldean. Astero biltzen da taldea, ostegun eguerditan (13:45-14:25), eta gai ezberdinen inguruko hausnarketak burutzen dituzte (Bidezko merkataritza, Proega kanpaina, gizarteko gatazka ezberdinak...). Eta ikastetxean izan ohi ditugun kanpainetan laguntzen dute. Ostiral eguerditan (13:45-14:25) berriz, batzuek LH 3 eta 4ko ikasleei eskola-laguntza eskaintzen diete eta besteek artisau lanak egiten dituzte Jai Solidarioan nahiz Sendiaren Egunean denda ipini eta bertan saltzeko. Parte hartzen dute Bidezko merkataritzako salmenta postuetan ere, txandaka.

Jende Xumea taldea: 2018ko maiatzean Jende Xumea talde berria osatzeko deialdia luzatu zitzaion Izartxoko zenbait begiraleri eta 4 gazte animatu ziren prozesu honetan parte hartzera. 2018ko irailetik Jende Xumea Gipuzkoa taldea martxan dago Eibarko eta Zarauzko gazteez osatua. Hilean behin biltzen dira, Eibarren nahiz Zarautzen, formazio saioak burutzeko eta talde kohesioa lantzeko. Gazte talde jatorra osatu dela dirudi.



4.14 Zumarraga. Beste zenbait erakunderekin batera (2019)

Proegarenak propioak diren ekintzez aparte, solidaritate/elkartasunarekin zerikusia duten beste ekintza batzuk ere garatu dira, inguruko zenbait elkarterekin lankidetzan:

- Urtarrilaren bukaeran eta otsaila hasieran, Hare Haizea elkartearekin batera, Sahararen aldeko karabanarako elikagaiak bildu ditugu..
- Izartxorekin batera, zonaldeko topaketa prestatu eta garatu zen, urrian.
- Arco Iris antzerki taldeak prestatzen duen antzezlanetik atera den diruaren zati bat Proega proiektuarentzat izan da.
- Urte bukaeran ere, SMH (Salvamento Marítimo Humanitario) Aita Mari itsasontziarekin Mediterraneo aldera abiatu zela eta lehen erreskatea gauzatu zuela aprobetxatuz, etorkinen inguruko saio batzuk egin ditugu.



4.15 Irun. Bakearen Eguna (2019ko irailaren 28a)

Irailaren 28 larunbat arratsaldean Proegak parte hartu zuen Bakearen Nazioarteko Egunean Irunen antolatzen den Boluntariotzaren topaketan. Zabaltza Plazan egin zen topaketa. Irungo Udalarari eta biztanleriari esker aurrera daramatzagun zenbait lankidetzaproiektuen berri eman genuen eta haurrentzako jolas kooperatiboak eskaini genituen.



4.16 Hondarribia elkarlanean (2019ko irailaren 29a)

Irailaren 29 igande goizean, Proegak "Hondarribia elkarlanean 2019" jardunaldian parte hartu zuen. Butron pasealekuan izan zen, Txingudi badiara begira. Asmoa, Bidasoa eskualdean gizarte eta lankidetzaren mailan dihardugun erakundeek, lankidetzaren eta boluntariotzaren arloetan eskaintzen ditugun ahalbideen berri ematea izan zen.

Proyde Proegak argazki erakusketa baten bidez hartu zuen parte, azkenengo urte hauetan egindako lana azalduz, zeinetan Hondarribiako udalaren diru-laguntza izan dugun. Eta partekatu genuen lankidetzaren proiektuetan eta boluntariotzaren dugun esperientzia.





Hondarribian Elkarlanean

2019 - IRAILAK 29, Igandea

ESKUALDEAN LAN EGITEN DUTEN GKE ETA ELKARTEEI LAGUNTZEKO INFORMAZIO ETA HAUSNARTZE JARDUNALDIA

Jornada Informativa y de Concienciación para la Colaboración y Voluntariado en ONGs y Asociaciones que trabajan en la Comarca

ERAKUSKETA:
ANTOLATZAILEA:

GOIZEAN, BUTRON PASEALEKUAN
11:00 - 14:30
HONDARRIBIKO UDALA

PARTEHARTZAILEAK:
















4.17 La Salle Bilbo. Bidezko merkataritzaren aldeko ikastetxea (2019ko urriaren 27an)

Urriaren 27an jaso zuen Bilboko La Salle Ikastetxeak "Bidezko Merkataritzaren aldeko Ikastetxea" izeneko Diploma. Proegako Jose Manuel Agirrezabalagak eman zion Diploma Estibaliz Sarria Ikastetxeko Zuzendariari. Ekitaldian izan ziren Itziar Urtasun, Bilboko Udaleko lankidetzarako zinegotzia, eta Javier Lorenzo Proegaren ordezkaria Bizkaian.

Ikastetxeko jolastokian izan zen ekitaldia, auzoan egin ziren neska-mutil, gazte eta helduen lasterketa solidarioen ondoren eta jolastokian bertan txikien lasterketen aurretik.


Bidezko Merkataritzaren aldeko Ikastetxea




Bidezko Merkataritzaren aldeko Ikastetxeak proiektuaren baitan Bilboko La Salle Ikastetxeari honako titulua ematen zaio:

Bidezko Merkataritzaren aldeko Ikastetxea

Programan ezarritako lau irizpideak betetzen dituzte:

- Eskolan lan-talde bat edukitzea.
- Bidezko Merkataritzaren aldeko politika bat idatzirik izatea eta erabiltzea.
- Ikastetxean Bidezko Merkataritzako produktuak edukitzea.
- Bidezko Merkataritzari buruz sensibilizatzeko.

Bilbo, 2019ko urriaren 27an
Sinadura:



4.18 La Salle Bilbo. V. Lasterketa solidarioa (2019ko urriaren 27an)

Gure lasterketaren aurreko urtetako deialdiak maiatzean izaten ziren, baina, aurtengoa aldatu beharra izan genuen maiatzeko egun berean Bizikletada bat egingo zelako Bilbon. Hau dela eta urriaren 27an antolatu zen gure V. Lasterketa solidarioa, auzoan barrena nagusientzat eta ikastetxeko jolastokian umeentzat.

Egun ederra, benetan, eta auzoan ere Proyde-Proega ezagutzeko aukera ona. Ikastetxean bertan, kirol-sailaren bitartez, AMPAkoiei eta boluntario askori esker motibazio handia izan genuen.

700 pertsonen inguru hartu zuten parte ekintza honetan eta 1.804 euro jaso genituen. Beste eskola eta kirol taldeak gonbidatu genituen gurekin parte hartzera: La Salle Sestao, Maristak, Erandioko Atletismo taldea, ...

Egun berean, bidezko merkataritza salmenta gunea izan genuen eta bokata solidarioak saldu zituzten Jende Xumea taldekoek. Ekintza hau aurrera ateratzeko laguntza-ekonomiko batzuk izan genituen: Gastronomía Vasca, EDP, BM, Canon, Laboral Kutxa, eta Deustu Bizirik elkarteak, ...

V.CARRERA PROYDE



5Km

V.PROYDE LASTERKETA

Urriak - 27 - Octubre
 11:00 am

Carreras escolares:
 Chupete
 Benjamín
 Alevín
 Infantil



INSCRIPCIÓN: www.kirolprobak.com



4.19 La Salle Donostia. Kilopila Kanpaina (2019ko abendua).

Helburutzat 1000 elikagai jasotzea zuen kanpaina da, Gabonetan inguruko auzoetara, bertako parrokien bitartez, beharra duten familietara elikagai plus bat helarazteko asmoz.

Familiek, ikasleen bitartez egiten dute laguntza, klaseetara janaria ekarriz. Sentsibilizazio gogoetak egiten dira klaseetan, hiruzpalau goizetan, Eguberrietako oporren aurreko bi asteetan. Kanpaina honetan, lehen aldiz, Antiguoko futbol taldeak antolatutako Eguberri txapelketako familiek ere parte hartu zuten eta aurreko urteetako janari bilketa bikoiztu egin zen.



5. SUSTATU TRIPTIKOA

Apirilean argitaratu zen Sustatu triptikoaren 24. zk, euskaraz eta gaztelaniaz. Ale gutxi batzuk bakarrik inprimatu genituen, hizkuntza bakoitzean. Izan ere, bidalketa Gipuzkoa eta Bizkaiko La Salle Ikastetxeetako familiei eta Fundazioko boluntario, lankide eta partaideei web orriaren bitartez egiten da.

Triptikoan 2018an finantzatutako garapenerako lankidetzaren proiektuen taula ageri da eta urteko ekonomia-txostena. Zenbait garapen-proiektuen informazioa ematen da eta udako boluntariotza-proiektuena ere bai, nola “Jende Xume” gazte taldeena hala pertsona helduena. 2017-2018ko sentsibilizazio kanpainaren berri ematen da eta Poyde-Proegaren harreman-sarearena. Gainera, bazkide egin edo ekarpen bat egiteko bolante bat ere badakar.

Triptikoa urteko txostenaren (memoriaren) laburpen bat da. Bere xedea da gure GGKEaren bitartez egiten diren Garapenerako Lankidetzaren proiektu eta jarduerak ezagutzera ematea La Salle Ikastetxeetako ikasleen familiei eta Poyde-Proega Fundazioaren partaide eta adiskideei, eta horrela herrialde pobretuez sentsibilizatzea.

6. TANDANACUI TALDEAK

La Salle Ikastetxeetako 14-20 urte bitarteko gazteek osatzen dituzte talde hauek. Astero edo bi astean behin elkartzen dira Garapenerako Lankidetzaren inguruko gaien gainean gogoeta egin eta jarduera ugariak burutzeko. Hezkuntza elkarleen sentsibilizazioan jarduten dute, horretarako kanpaina solidarioetan parte hartuz, informazio panelak jarritz eta ekitaldi solidarioak burutuz, hala nola, merkatu solidarioa, bidezko merkataritzako produktuen salmenta, bizkotxo solidarioaren eguna edo Elikagaien Bankuen laguntza.

Tandanacui taldeak jardunean dira Donostiako La Sallen eta San Luis La Sallen, Eibarren, Bilbon, Sestaon eta Zarautzen.

7. UDAKO BOLUNTARIOTZA: “JENDE XUMEA” TALDEAK

Andoaingo boluntario taldea, 10 gaztez osatua, euren 2 laguntzaileekin (Luis Escudero eta Juan Andres Fernandez), **Santa Cruz de la Sierra**-n (Bolivia) izan ziren Umezurtzen Zentroko Anaien elkartean. Eta **Zaragozako** boluntario taldea, 9 gaztez osatua eta Anai Carmelo Oteo, Cordobako **Malvinas Argentinas**-en (Argentina), La Salleko Anaien elkartean eta eskolan.

Toki bietan aurrera eramane zituzten jarduerak hezkuntza izaerakoak izan ziren, batik bat, neska-mutilekin eta gazteekin. Malvinas-en Hector Valdivieso Salletar eskolan, ikasgelako jardueretan nahiz aisialdian, baita auzoko gazteekin ere. Santa Cruz-en berriz, Umezurtzen Zentroko nerabeekin partekatu zituzten ordu asko: ikasketetan lagundu zieten, inprimategiko lanetako momentuetan eta aisialdiko uneetan. Beren lankidetzaren ere eskaini zuten “Plataforma Solidaria” izeneko proiektuan errekurtsio gabeko neska-mutilen aldeko jardueretan. Proiektu hau hiritik kanpoaldeko eraztunetako batean dago kokaturik.

Boluntario gazteak hunkiturik itzuli ziren ikusi eta bizi izandakoagatik: Malvinas-etik honela idatzi zuten: *Sumatu dugun halako esker-onak eta pixkanaka lortu dugun konfiantzak geure etxetatik urruntzen gaituen 10.000 km-ak ahaztu-arazi egin digute, eta sentiarazi leku honetan beti sentitu ahal izango dugula etxeko berotasuna.* Eta Santa Cruz-etik: *Laster bukatuko da gure bidaia eta uste baino lehen etxean egongo gara. Hilabete honetan zerbait ikasi badugu izan da oso zorioneko garaia hemen gaudelako.*



8. UDAKO BOLUNTARIOTZA: HELDUAK

Aurreko udan 12 boluntario helduk hartu zuten parte lau proiektuetan: Trinidad-Benin (Bolivia), 4 boluntario, Akwaba Etxean, Abidjan (Boli Kosta), 3 boluntario, Karemeno (Kenya), 4 boluntario eta Fratelli proiektuan boluntario 1.

Haien ekarpen esanguratsuena euren presentziarekin loturik dago neska-mutilekin egotearekin edota gazteekin, eskolan nahiz aisialdian, eta beraien hezitzaileekin, edota beste zenbait pertsona helduekin.

Zenbait tokitan bertako Anaien Elkartearen bizitza partekatu dute. Batzuetan, kaleko haurrekin egon dira, besteetan neska-mutil errefuxiatuekin, topaketak izan dituzte kartzelako presoekin eta adin txikiko zentroetako gazteekin, etxebizitza xumeak eraikitzen lagundu dute. Beti onartuak eta errekonozituak sentitu dira.

Boluntarioek balioztatzen dituzte pobrezia eta zaurgarritasun munduarekin izandako topaketa, toki haietako jendearen bizimodu eta balioak. Aberasturik sumatu dute beren burua eta beste era batera bizitzera bultzaturik sentitu dira, xumeago eta solidaritate handiagoz bizitzera.

Hara hemen proiektuen eta parte-hartzaileen zerrenda:

1. BOLIVIA. Trinidad-Beni. La Salle Ikastetxea.
(Iraupena: 5 astebete, uztaila-abuztua)

Anai Jose Antonio Cemborain	Sestao La Salle
Maria Jesus Soriano	Zaragoza Montemolin
Ainhoa Salaberria	Lezo
June Lekuona	Lezo



2. BOLIKOSTA. Abidjan. Akwaba Etxea.
(Iraupena: 4 astebete, uztaila)

Xabier Matarranz	Beasain La Salle
Anai Jesus Mari Arrieta	Beasain La Salle
Periko Alkain	Donostia La Salle



3. KENYA. Karemeno
(Iraupena: 5 astebete, uztaila-abuztua)

Jon Aztiria	Zumarraga La Salle
Nerea Bereciartua	Zarautz La Salle
Asier Agote	Zarautz La Salle
Rocio Jimenez	Errenteria




4. LIBANO. Fratelli Proiektua
(Iraupena: 4 astebete, uztaila)

Iñigo Pastoriza	Donostia La Salle
-----------------	-------------------



9. TXOSTEN EKONOMIKOA


**FUNTSEN BANAKETA
JATORRIAREN ARABERA**



ERREKURTSO PROPIOEN JATORRIA



GASTUEN BANAKETA



**FINANTZATUTAKO PROIEKTUEN
BANAKETA GEOGRAFIKOA**



10. GARAPENERAKO LANKIDETZA PROIEKTUAK

Hara, 2019 urtean Proyde-Proega Fundazioak aurrera eramán dituen lankidetza-proiektuak. Askok diru-laguntza publikoak jaso dituzte, besteak diru-laguntza pribatuekin eta Proyde-Proega Fundazioaren beraren funtsekin finantzatu dira.

IZENBURUA	HERRIALDEA	Diru-laguntza eman duen erakundea	Jasotako diru-laguntza	Proyde-Proegaren ekarpena	GUZTIRA
1. Bigarren Hezkuntzaren ezarpena Malvinas Argentinaseko eskolan, Cordoba	Argentina	Eibarko udala	86.287,20 €	11.050,00 €	107.337,20 €
		Ausolan Koop.	10.000,00 €		
2. Guatemalako maya-q'eqch's emakume baseritarren ahalduzte ekonomiko eta politikoa.	Guatemala	Gipuzkoako Foru Aldundia	59.996,46 €		59.996,46 €
3. Togo iparraldeko haurrentzako lehen hezkuntzako programa	Togo	Irungo udala	28.650,00 €	14.905,89 €	43.555,89 €
4. Akwabako (Abidjan) kaleko haurren birgizarteratze familiar, sozial eta laborean laguntzea.	Boli Kosta	Imaz Fundazioa	15.000,00 €	18.000,00 €	33.000,00 €
5. Hego Sudaneko Riimenze-ko barne migratzaileentzako laguntza humanitarioa.	Hego Sudan	Beasaingo udala	16.717,00 €	29,19 €	16.746,19 €
6. Rumbek-eko haurrentzako kalitatezko oinarritzko hezkuntza bermatzea.	Hego Sudan	Andoaingo Udala	11.000,00 €		12.800,00 €
		Zumarragako udala	1.800,00 €		
7. Fratelli proiektuari laguntza, Libanoko siriar eta irakiar nazionalitatea duten gazte errefuxiatuen hezkuntza-beharrei laguntzeko.	Libano	Caritas Bizkaia	10.000,00 €		10.000,00 €
8. Libanon babes hartu duten siriar eta irakiarren gizarteratzea sustatzea, batez ere, gazteei eta emakume gazteei erreparatuz.	Libano	Zarauzko udala	4.280,90 €		6.961,84 €
		Zumarragako udala	2.680,94 €		
9. Pildesti Lanbide Eskola	Errumania			5.000,00 €	5.000,00 €
10. Larrialdi-laguntza Idai Zikloiaren ondorioak arintzeko, Sofala eskualdean.	Mozambique			1.765,00 €	1.765,00 €
11. Kalitatezko hezkuntza Sandogo herrixkan	Burkina Faso	Orona Fundazioa		1.000,00 €	1.000,00 €
12. EpD: Kontsumo ohitura arduratsuak bultzatzen Zarautzen.	Zarautz	Zarauzko udala	1.203,34 €	2.619,89 €	3.823,23 €
13. EpD: Kontsumo ohitura arduratsuak bultzatzen Eibarren.	Eibar	Eibarko udala	1.200,00 €	3.177,92 €	4.377,92 €
GUZTIRA			248.815,84 €	57.547,89 €	306.363,73 €

Hara hemen proiektu batzuen aipamen laburra:

1. Bigarren Hezkuntzaren ezarpena Malvinas Argentinaseko eskolan, Cordoba, 3. Fasea (Argentina)

La Salleko Anaiak 2002 urtean hasi ziren lanean Malvinas Argentinas herrian; Argentina Errepublikako Cordoba Probintzian dago kokaturik. Une hartan, 2001eko krisialdiaren ondoren, premia handikoa zen gizarteko sektore zaurgarrienei kalitatezko hezkuntza-proposamena eskaintzea.

Urte batzuetako lanaren ondoren, orain bi urte bigarren mailako hezkuntza-eraikina jasotzen hasi ziren, proiektu honi esker jarraipena ematen diote. Elektromekanika eta elikagai-industria espezialitateak ematen dituzte bertan, bat etorritik zonaldeak eskaintzen dituen lan-aukerek. Eibarko Udalak jarraitzen du proiektu honi urtez urte diru-laguntza eskaintzen. Oraingo honetan Ausolan Taldeak ere bere ekarpena egin du. Urtez urte finkatzen doan hezkuntza proposamen honekin baliabideak eman nahi zaizkie gazteei bizi-ibilbide egokiak izan ditzaten pobrezia eskaintzen dizkien arriskuak ekidinez.



2. Guatemalako maya-q'eqchi's emakume nekazarien ahalduntze ekonomiko eta politikoa.

Guatemalako emakume indigena gehienak pobrezian eta baztertuta bizi dira, bereziki nekazari eremuetakoak. Reina Zonaldea, Quiché departamenduan, Estatuaren presentzia txikienetakoa duen eskualdea da; populazioa bere Eskubide Ekonomiko, Sozial eta Kulturalen etengabeko urratze-egoeran bizi da, bereziki emakumeak. Hauek ez dute esku-hartzerik erabakiak hartzen diren guneeetan.

Iaz abian jarritako Gipuzkoako Foru Aldundiaren laguntza duen proiektu honek ahaldundu nahi ditu eskualdeko nekazari elkarteetako 100 emakume eta 20 gizonezko, produkzio agroekologikorako prestatuz, Campo-ko Eskola Agroekologikoaren bitartez eta formazio politikoa emanaz Lurraldearen Kudeaketarako Formazio Eskolan. Ekimen biak, jada beste elkarteetan PRODESSAK bultzatuak (tokiko partaidea), praktikara zuzenduak dira, nola ekimen produktibo agroekologikoak aurrera eramaterakoan hala udal-gobernuan eragin politikoa izan dezaketen prozesuen garapenean.



3. Togo iparraldeko haurrentzako lehen hezkuntzako programa

Irungo udalaren finantzaketari esker jarraitzen dugu proiektu honekin. Proiektu honek arazo larri bati aurre egiten dio: Sabanak Eskualdeko (Les Savannes) hezkuntza-errekurtsoen eskasiari.

Oraingo honetan gure jarduerak bere gain hartu ditu bereziki:

Irakasleen formazio iraunkorreko jarduerak: 10 maisu-maistren formazioa 9 hilabetetan Dapaongen, praktikak Lehen Hezkuntzako Eskoletan, Haurren eskubideei buruzko gaikuntza.

Eskoletako kantinen programako jarduerak: Oinarrizko elikadurak lortzea, garraiatzea eta banaketa eta sareko kantinen funtzionamendua.

4. Akwabako (Abidjan) kaleko haurren birgizarteratze familiar, sozial eta laboralean laguntzea (Boli Kosta)

Proyde-Proega Fundazioak Akwaba Harrera-etxearen funtzionamendua sostengatzen jarraitzen du. Bere funtsekin eta erakunde pribatuen ekarpenekin, aurtan Imaz Fundazioarena, Harrera-etxearen funtzionamendu gastuen zati bat bere gain hartzen du eta azpiegituren hobekuntzan ere laguntzen du zentroak zerbitzu hobea eskaini dezan.

Akwaba Etxeak kalean jasotako mutilei eta auzoan eskolatu gabe dauden neska-mutilei, gizarte bazterte arriskuan direnei, aholku eraginkorra, eskolatze egokia eta bizi-egitasmoa eskaintzen die, gizarteratzea eta familian integratzea ahalbideratuz. Hiru-lau urtez egon ohi dira egoitzan. Urte horietan familiara berriro itzultzea prestatzen da. Akwaba Harrera-etxeak sare moduan lan egiten jarraitzen du Abidjaneko haurren alde diharduten beste erakundeekin, arrisku egoeren prebentzioan.



5. Hego Sudaneko Riimenze-ko barne migratzaileentzako laguntza humanitarioa

2017ko Urteberri egunean, eguneko meza ospatu baino lehen, Riimenze herrian soldaduak sartu ziren, eta itxuraz matxinoak bilatzen zituzten soldaduek Riimenze-ko komunitateari eraso zioten. Liskar bortitzek, segurtasun-gabeziak eta beldurrak 6.000 pertsona bere etxeak uztera eraman zituzten. Hauek Riimenze herriko elizaren inguruan elkartu ziren kanpamentuan.

Pertsona guzti hauek Hego Sudanetikiko Solidaritateetik bakarrik jasotzen dute laguntza. Jasotako laguntzei esker, 2017.urtean Hego Sudanetikiko Solidaritateak izan zuen elikagai-kantitate nahikoa pertsona hauei lagundu ahal izateko.

Jaten ematen jarraitzeko jarri zen abian laguntza humanitarioko proiektu hau, Hego Sudanetikiko Solidaritatea erakundeari laguntzeko, eta Beasaingo Udalak ere bere laguntza eskaini du.



Astero behar den janari-kopurua handia da: 100 kg inguru arroz, otordu bakoitzean. Astero, sei egunetan, 6.000 baino otordu gehiago eman behar dira.

Solidaritate erakundeak premia handiko zenbait gauza ere banatu ohi ditu zaharren artean, hilean behin: gatza, tea, xaboa, xaboi-hautsa, detergentea eta antzekoak. Adineko pertsonen zerbitzuan ere Solidaritateak ordaindu ditu 50 etxetako sabaien konponketa, 50 koltxoi, 30 ohe, 1200 olana alkatarnaduna, 300 tapaki, zenbait eltze, zartagin, mahai-tresnak eta ontziteria; gainera botikak eta elikadura osagarriak.

6. Haurrentzako kalitatezko oinarrizko hezkuntza bermatzea Rumbek-en (Hego Sudan)

laz hasitako proiektuari laguntzen jarraitzen dugu Andoain eta Zumarragako udalei esker.

Western Lake estatuan aurkitzen da Rumbek. 2013 urtean hasi zen gerrak ikastetxe batzuk suntsitu egin zituen. Arazo honi aurre egiteko Loretoko Ahizpek lehen mailako eskola jada izanik, bigarren



mailako ikastetxea eraiki zuten neskentzat. Orain mutilentzat eraikitzen ari diren ikastetxe berriarekin nerabeentzako eskaintza hobea egiten da La Salleren eskutik, Loretoko Ahizpekin elkarlanean.

Berdintasunezko sarbidea ziurtatzen da proposatutako jardueretan, diskriminatu dezakeen inolako irizpiderik erabili gabe, etnia izan nahiz arraza edo erlijioa, tokiko populazioaren aniztasuna errespetatuz eta kultur dimentsioa suspertuz formazio-prozesuetan.

Proiektu honek, konkretuki, Rumbek-eko Bigarren Hezkuntzako ikastetxe berrian bi putzu eta ura

punpatzeko sistema bat ezartzea du xede, eskola horren eraikuntzaren lehengo fasearen barnean. Halaber, kalitatezko hezkuntza emateko gai izango diren irakasleak prestatzea. Barnetegi txiki bat ere izango du.

7- 8. Fratelli proiektuari laguntza (Libano)


Salletar eta Maristen kongregazioek 2016. urtean jarri zuten abian gizarte-hezkuntzazko proiektu hau Libanon, gerratik ihes egin eta arrisku larrietan aurkitzen ziren siriar eta irakiar haur, gazte eta emakume errefuxiatuen alde.

Programa garatzen jarraitzen du komunitate siriarra eta irakiarra kokatuta dauden lekuetan. Lehen Libanoko hegoaldeko eskualdean, Rmeileh-n. Komunitate irakiarra Beirut hiriburutik iparraldera dauden auzoetan Bourj Hammoud auzoan.

Bizkaiko Caritasek eta Zarauzko eta Zumarragako udalek laguntzen jarraitzen dute.



10. Larrialdi-laguntza Idai Zikloiaren ondorioak arintzeko, Sofala eskualdean (Mozambike)



2019ko martxoaren 14ko gauean Idai Zikloia Sofala probintziazik barrena pasa zen biktima eta hondamendi kontaezinak utziz. Zikloiak eragin handia izan zuen herritarren elikaduraren egoeran eta ondorio bortitzak eragin populazioan epe luzean. Izan ere martxoa eta apirila izaten dira familia gehienentzat uza jasotzeko hilabeteak Mozambiken, artoaren uza jasotzekoak.

Proyde-Proegak abian jarri zuen larrialdi-proiektu bat beste salletar GGKEekin koordinatuz. Honen lehengo helburua 500 laguni oinarrizko elikadura-produktuak helaraztea izan zen (olioa, irina eta babarrunak) eta

higiene- eta garbitasun-produktuak eta malaria ekiditeko eltxo-sareak ere eta proiektuak 650 neska-mutilei eskola-liburuak eskaintzea.

11. Kalitatezko hezkuntza Sandogo herrixkan (Burkina Faso)

Sandongo herrixka bat da, Uagadugu, Burkina Faso-ko hiriburu ondokoa. Bertako biztanleak nekazariak eta merkataritxiak dira. Herrixkaren arazo nagusienetakoa kalitate eskaseko eskolatzeara da. Orona Fundazioaren laguntza Sandogo-ko La Salleko san Joan Bautista lehen hezkuntzako eskolako 6 ikasgeletako altzariak erosteko izango da.



11. ERANTZUKIZUN SOZIO-KORPORATIBOA (ESK)

Proyde-Proega Fundazioak garapen global solidarioak eskatzen duen lankidetzara ekonomikorako ildo serio eta eraginkorra eskaintzen die enpresa eta erakundeei. Proiektuak finantzatzeko egiazko globalizazioa burutzen lagundu egiten du, garapen solidarioaren bitartez.

Proyde-Proegari laguntzen jarraitzen dioten enpresa gehienek anonimatuan segitzea eskatzen dute.

12. ERAGIN POLITIKOA

Azken urte honetan esku hartu dugu gutxi garatutako lurraldeen pobrezia eragiten duten egiturak aldatzeko egiten diren ekitaldietan, bai Euskadin bai Estatu mailan. Lan hau partaide garen koordinakundeetako batzordeen bitartez egin ohi dugu. Azpimarratzekoa Proyde-Proegaren partaidetza Euskadiko GGKEn Koordinakundeak antolatzen duen Jardunaldian: “Mundu zabala, errealitate anitz” programan eta beste zenbait lan taldeetan, adibidez, Donostiako Bidezko Merkataritzaren koordinakundean, Donostiako Pobrezia 0 Plataforman eta Zarauzko Solidaritate Koordinakundean.

“Lotu zaitez justiziaren alde” taldean integratutako “Planeta zaindu pobrezia-aren aurka egiteko” REDESen kanpainan parte hartu dugu. Gipuzkoako lan-taldea koordinatu dugu.



13. BESTE GGKE-EKIKO HARREMANAK

Proyde-Proega Fundazioak solidaritate-sare hauetan hartzen du parte:

- ✓ ARLEPeko (Espainia eta Portugal) salletar GGKEen koordinaziorako batzordean.
- ✓ RELEMeko (Europa, Ekialde Hurbila eta Egipto-Sudan) salletar GGKEen koordinaziorako batzordean.
- ✓ Euskadiko GGKEen Koordinakundean.
- ✓ REDES izeneko sarearen Koordinakundean (Garapen Solidariarako Erakundeen Sarea), bereziki Gipuzkoan.
- ✓ Lankidetza eta Garapenerako zenbait udal plataformetan (Donostia – Eibar – Zarautz).
- ✓ Euskadiko Pobrezia Zeron.
- ✓ Donostiako Bidezko Merkataritzaren Koordinakundean.
- ✓ Lankidetza-hitzarmenak eginak ditu zenbait asoziazio eta GGKEekin (Proyde, Elkarbanatuz, Gipuzkoako Caritas, Bizkaiko Caritas).



Donostiako Giza Eskubideen Zinemaldia